

K204.3

1

資治通鑑卷第四十

翰林學士兼侍讀學士朝散大夫右諫議大夫知制誥判尚書都省兼提舉萬壽觀公事上護軍河內郡開國侯食邑二千三百戶賜紫金魚袋臣司馬光奉

勅編集

後學天台胡三省音註

漢紀三十二起旃蒙作噩盡柔兆閏茂凡二年

世祖光武皇帝上之上諱秀字文叔賢曰禮祖有功而宗有德光武中

葉興故廟稱世祖謚法能紹前業曰光克定禍亂曰武伏侯古今註曰秀之字曰茂伯仲

叔季兄弟之次長兄伯升次仲故字文叔焉

建武元年是年六月即位改元春正月方望與安陵人弓林姓譜

弓魯大夫叔弓之後又孔子共立前定安公嬰為天

子聚黨數千人居臨涇臨涇縣屬安定郡更始遣丞

相松等擊破皆斬之鄧禹至箕關賢曰箕關在今

唐王屋縣屬懷州水經擊破河東都尉進圍安邑縣

屬河東郡赤眉二部俱會弘農更始遣討難將軍蘇茂

拒之難乃旦翻茂軍大敗赤眉眾遂大集乃分萬人為一

營凡三十營三月更始遣丞相松與赤眉戰於務鄉

賢曰務音莫老翻字林曰毒草也因以為地名續漢

志弘農有務鄉東觀記曰崇等入至弘農枯樅山下

與茂戰崇北至務鄉轉至湖湖即湖城縣也松等大
敗死者三萬餘人赤眉遂轉北至湖蜀郡功曹李

熊說公孫述宜稱天子

說輸茂翻

夏四月述即帝位號成

家

賢曰以起成都故號成家

改元龍興

時有龍出其府因以紀元

李熊為大司

徒述弟光為大司馬恢為大司空越雋任貴據郡降

述

王莽天鳳三年任貴據越雋雋音髓任音壬

蕭王北擊尤來大槍五

播於元氏

地理志元氏縣屬常山郡鬲縣追至北平

連破之

賢曰北平縣屬中山國今易州永樂縣也

又戰於順水北

賢曰水經註云

徐水經北平縣故城北光武追銅馬五幡破之於順水即徐水之別名也今在易州括地志徐水過北平

縣界而東流又東逕清苑城

乘勝輕進反為所敗

敗補

王自投高

岸突騎王豐下馬授王

騎奇寄翻下同

王僅而得免散兵歸

保范陽

賢曰縣名在范水之陽屬涿郡軍中不見王范陽故城在令易州易縣東南

或云已殺諸將不知所爲吳漢曰卿曹努力王兄子在南陽何憂無主

兄子謂伯升子章及興也

衆恐懼數日乃定賊

雖戰勝而憚王威名夜遂引去大軍復進至安次連

戰破之

復扶又翻賢曰安次縣名屬渤海郡今幽州縣也故城在縣東按我

朝霸州文安縣本

漢安次縣地賊退入漁陽所過虜掠彊弩將軍陳俊言於

王曰賊無輜重

重直用翻

宜令輕騎出賊前使百姓各自

堅壁以絕其食可不戰而殄也王然之遣俊將輕騎

馳出賊前視人保壁堅完者敕令固守放散在野者

因掠取之賊至無所得遂散敗王謂俊曰困此虜者

將軍策也馮異遺李軼書爲陳禍福

遺于季翻爲于僞翻

勸令

歸附蕭王軼知長安已危而以伯升之死心不自安

事見上卷更始元年乃報書曰軼本與蕭王首謀造漢事見三

王莽地皇三年今軼守洛陽將軍鎮孟津俱據機軸賢曰機

軸車軸也皆在物千載一會思成斷金易曰二人同

之要故取喻焉陸德明曰斷丁亂翻王肅丁管翻唯深達蕭王願進愚策以佐國安

民軼自通書之後不復與異爭鋒復扶故異得北攻

天井關劉昭志曰上黨高都縣有天井關賢曰在今

澤州晉城縣南今太行山上關南有天井泉所拔上黨兩城又南下河南成臯以東十三縣降者

十餘萬武勃將萬餘人攻諸畔者異與戰於士鄉下

劉昭志河南雒陽縣有士鄉聚大破斬勃軼閉門不

續漢志曰士鄉亭名屬河南郡

救異見其信效其以白王王報異曰季文多詐李軾字季

文不能得其要領要一今移其書告守尉當警備

者衆皆怪王宣露軼書朱鮪聞之鮪于軼翻使人刺殺軼

刺七由是城中乖離多有降者降戶朱鮪聞王北

征而河內孤乃遣其將蘇茂賈彊將兵三萬餘人度

鞏河攻温鞏縣屬河南郡周鞏伯之國也河水過鞏縣北謂之鞏河即五社津也温縣屬河內

郡周大夫蘇子邑賢曰有自將數萬人攻平陰以綴

異賢曰平陰縣名屬河南郡杜佑曰漢平陰縣城在今洛陽縣北五十里水經註平陰即晉之陰地故

陰戎所居魏文帝改曰河檄書至河內寇恂即勒軍

馳出並移告屬縣發兵會温下軍吏皆諫曰今洛陽

兵度河前後不絕宜待衆軍畢集乃可出也恂曰温

郡之藩蔽失温則郡不可守遂馳赴之旦日合戰而

馮異遣救及諸縣兵適至恂令士卒乘城鼓譟大呼

言曰劉公兵到蘇茂軍聞之陳動呼火故翻恂因奔

擊大破之馮異亦渡河擊朱鮪鮪走異與恂追至洛

陽環城一市而歸環音市市作自是洛陽震恐城門

晝閉異恂移檄上狀諸將入賀因上尊號上時掌將

軍南陽馬武先進曰大王雖執謙退奈宗廟社稷何

宜先即尊位乃議征伐今此誰賊而馳騫擊之乎賢

誰謂未有主也前書音義曰直馳曰馳亂馳曰驚余謂誰賊者蓋謂位號未正指誰爲賊也王驚

曰何將軍出此言可斬也乃引軍還薊復遣吳漢率

耿弇景丹等十三將軍追尤來等復扶又翻下除斬

首萬三千餘級遂窮追至浚靡而還賢曰浚靡縣名屬右北平郡故

城在今漁陽縣北靡音麻賊散入遼西遼東為烏桓貊人所鈔擊

畧盡貊莫白翻鈔楚交翻都護將軍賈復漢宣帝置西域都護盡護南北道諸國甘

延壽之擊郅支也自謂為都護將軍漢朝與五校戰

未以為將軍號也至光武乃以命賈復

於真定復傷創甚校戶教翻王大驚曰我所以不令

賈復別將者將即亮翻為其輕敵也為于偽翻果然失吾名將

聞其婦有孕生女邪我子娶之生男邪我女嫁之不

令其憂妻子也復病尋愈追及王於薊相見甚驩薊音

計還至中山諸將復上尊號王又不聽行到南平棘

賢曰縣名屬常山郡今趙州縣故城在縣南諸將復固請之王不許諸將

且出耿純進曰天下士大夫捐親戚棄土壤從大王

於矢石之間者其計固望攀龍鱗附鳳翼以成其所

志耳今大王留時逆衆不正號位純恐士大夫望絕

計窮則有去歸之思無爲久自苦也大衆一散難可

復合純言甚誠切王深感曰吾將思之行至鄣續漢志鄣

縣屬常山國帝於此即位改曰高邑鄣呼各翻召馮異問四方動靜異曰更

始必敗宗廟之憂在於大王宜從衆議會儒生彊華

自關中奉赤伏符來詣王曰劉秀發兵捕不道四夷

雲集龍鬬野四七之際火為主

賢曰彊音其兩翻姓譜其良翻風俗通作

疆華系之曰晉有大夫疆劔四七二十八也自高祖至光武初起合二百二十八年即四七之際也漢火

德故火羣臣因復奏請六月己未王即皇帝位于鄣

南時設壇於鄣南千秋亭五城陌賢曰其地在今趙州柏鄉縣考異曰光武本紀馮異破蘇茂諸將

上尊號云長安壞亂赤眉臨郊王侯構難大臣乖離綱

紀已絕又勸光武稱尊號亦曰三王反叛更始敗亡

按是年六月己未光武即位是月甲子鄧禹破王匡

等於安邑王匡張卬等還奔長安乃謀以立秋軀腰

時共劫更始然則三王反叛應在光武即位之後夏

秋之交馮異安得於四月之前已言之改元大赦

也或者史家潤色其言致此差牙耳

鄧禹圍安邑數月未下更始大將軍樊參將數萬人

度大陽賢曰大陽縣屬河東郡前書音義曰大河之陽春秋秦伯伐晉自茅津濟杜預曰河東大

陽縣也賢曰解縣屬河東郡故城在今蒲州欲攻禹禹逆擊於解南斬之

桑泉縣東南也王匡成丹劉均合軍十餘萬復共擊

禹禹軍不利明日癸亥匡等以六甲窮日不出禹因

得更治兵治直之翻甲子匡悉軍出攻禹禹令軍中毋得

妄動既至營下因傳發諸將孟康曰傳令軍中使發也鼓而並進

大破之匡等皆走禹追斬均及河東太守楊寶遂定

河東匡等奔還長安考異曰劉玄傳王匡張卬守河東爲鄧禹所破奔還長安鄧

禹傳無張卬名今從之張卬與諸將議曰赤眉旦暮且至見滅

不久不如掠長安東歸南陽事若不集復入湖池中

爲盜耳乃共入說更始說輸更始怒不應莫敢復言

復扶更始使王匡陳牧成丹趙萌屯新豐李松軍擲

以拒赤眉

賢曰擲音子侯翻及續漢志新豐有鴻門亭擲城即此也

張卬廖湛胡

殷申屠建與隗囂合謀欲以立秋日驅臄時

賢曰前書音義

曰驅獸以立秋日祭獸王者亦此日出獵用祭宗廟

冀州北郡

以八月朝作飲食為臄其俗語曰臄臄社

伏風俗通嘗新始殺食曰驅臄漢儀立秋日郊禮畢

始揚威武乃祠先虞告以烹鮮天子御戎輅白馬朱

鬣躬執弩射牲牲以鹿麋斬牲於郊東門載獲車馳

駟以薦陵廟名驅劉劉殺也驅於時殺物故以應之

又謂之驅臄廖力弔共刼更始俱成前計

考異曰袁紀云申

屠建等勸更始讓帝位更始

不應建等謀刼之今從范書

更始知之託病不出召

張卬等入將悉誅之唯隗囂稱疾不入會客王遵周

宗等勒兵自守更始狐疑不決卬湛殷疑有變遂突

宗等勒兵自守更始狐疑不決卬湛殷疑有變遂突

宗等勒兵自守更始狐疑不決卬湛殷疑有變遂突

出獨申屠建在更始斬建使執金吾鄧晔將兵圍隗
賢第卽湛殷勒兵燒門入戰宮中更始大敗囂赤潰
圍走歸天水明旦更始東犇趙萌於新豐更始復疑
王匡陳牧成丹與張卬等同謀乃並召入牧丹先至
卽斬之王匡懼將兵入長安與張卬等合赤眉進

至華陰

華戶化翻

軍中有齊巫

齊巫齊國之巫

常鼓舞祠城陽景

王

城陽景王章有誅諸呂之功故齊人祠之以求福助

巫狂言景王大怒曰當

爲縣官何故爲賊

賢曰縣官謂天子也

有笑巫者輒病軍中驚

動方望弟陽說樊崇等曰今將軍擁百萬之衆西向

帝城而無稱號

說輸芮翻稱尺證翻

名爲羣賊不可以久不如

立宗室挾義誅伐以此號令誰敢不從崇等以為然

而巫言益甚前至鄭

鄭縣屬京兆賢曰今華州縣

乃相與議曰今

迫近長安而鬼神若此當求劉氏共尊立之先是赤

眉過式

地理志式縣屬泰山郡近其靳翻先悉薦翻

掠故式侯萌之子恭

茂盆子三人自隨

萌之父曰憲城陽景王五世孫荒王順之子元帝時封式侯

恭

少習尚書

少詩照翻

隨樊崇等降更始於洛陽

樊崇等降見上卷更

始元年降

復封式侯為侍中在長安茂與盆子留軍

中屬右校卒史劉俠卿主牧牛

漢注卒史秩百石九卿寺及諸郡及軍行

部校皆有之校戶教翻俠戶頰翻

及崇等欲立帝求軍中景王後得

七十餘人唯茂盆子及前西安侯孝最為近屬崇等

曰聞古者天子將兵稱上將軍乃書札爲符曰上將

軍又以兩空札置笥中

賢曰札簡也笥篋也

於鄭北設壇場祠

城陽景王諸三老從事皆大會

赤眉諸帥最尊者號三老次從事

列

盆子等三人居中立以年次探札盆子最幼後探得

符

探吐南翻

諸將皆稱臣拜盆子時年十五被髮徒跣敝

衣赭汗見衆拜恐懼欲啼

被皮義翻

茂謂曰善臧符

臧讀曰藏

盆子即齧折棄之

折而設翻

以徐宣爲丞相樊崇爲御史

大夫逢安爲左大司馬

逢皮江翻

謝祿爲右大司馬其餘

皆列卿將軍盆子雖立猶朝夕拜劉俠卿時欲出從

牧兒戲俠卿怒止之崇等亦不復候視也

復扶又翻

秋

七月辛未帝使使持節拜鄧禹為大司徒封鄼侯食

邑萬戶

賢曰鄼縣屬南陽郡故城在今襄州穀城縣東北余謂蓋以禹功比蕭何故封之鄼鄼音

贊

禹時年二十四又議選大司空帝以赤伏符曰王

梁主衛作玄武丁丑以野王令王梁為大司空

帝以野王

衛之所徙玄武水神之名司空水土之官也於是用

梁賢曰玄武水神之名司空水土之官也於是用

宋白曰懷州河北方之神龜蛇合體野王縣屬河內郡

內縣古野王也又欲以識文用平狄將軍孫咸行大

司馬衆咸不悅

識楚譖翻

壬午以吳漢為大司馬初更始

以琅邪伏湛為平原太守

姓譜伏本自伏羲之後漢初有濟南伏生守式又翻

時天下兵起湛獨晏然撫循百姓門下督謀為湛起

兵湛收斬之

諸郡各有門下督主兵衛為于偽翻

於是吏民信向平原